


## Komentar monetarnih kretanja u novembru 2021. godine

Ukupna novčana masa (M2) na kraju novembra 2021. godine je iznosila 31,06 milijardi KM, dok je na mjesečnom nivou registrovan je rast za 58,9 miliona KM (0,2%). Rast novčane mase (M2) u novembru 2021. godine rezultat je rasta novca (M1) za 57,6 miliona KM (0,3%) i nižeg rasta kvazi novca (QM) za 1,3 miliona KM (0,01%). Novac (M1) je uvećan usljed rasta prenosivih depozita u domaćoj valuti za 123,1 milion KM (1,0%), dok je kod gotovine izvan banaka zabilježen pad za 65,6 miliona KM (1,2%). Rezultat povećanja kvazi novca (QM) je rast prenosivih depozita u stranoj valuti za 103,2 miliona KM (3,2%) uz istovremeno smanjenje ostalih depozita u domaćoj valuti za 52 miliona KM (1,7%) i ostalih depozita u stranoj valuti za 49,9 miliona KM (0,7%).

Na godišnjem nivou došlo je do povećanja novčane mase (M2) u iznosu od 3,27 milijardi KM (11,8%) u odnosu na isti mjesec prethodne godine. Rast je ostvaren kod gotovine izvan banaka za 491 milion KM (10,0%), prenosivih depozita u domaćoj valuti za 2,24 milijarde KM (22,9%), prenosivih depozita u stranoj valuti za 379,1 milion KM (13,0%), ostalih depozita u domaćoj valuti za 20 miliona KM (0,7%) i ostalih depozita u stranoj valuti za 143,9 miliona KM (2,0%).



Protustavka rastu novčane mase (M2) na mjesečnom nivou u novembru 2021. godine u iznosu od 58,9 miliona KM (0,2%) je rast neto strane aktive (NSA) za 185,2 miliona KM (1,0%) i smanjenje neto domaće aktive (NDA) za 126,3 miliona KM (1,1%). Porast novčane mase (M2) na godišnjem nivou od 3,27 milijardi KM (11,8%) rezultat je rasta neto strane aktive (NSA) za 3,46 milijardi KM (22,0%) i smanjenja neto domaće aktive (NDA) za 188,9 miliona KM (1,6%).

## Monetarni pregled

	Stanje u mil. KM XI 2021	Mjesečne promjene u mil. KM			Godišnje stope rasta u %		
		IX 2021	X 2021	XI 2021	IX 2021	X 2021	XI 2021
<b>Aktiva</b>							
<b>1. Neto strana aktiva</b>	<b>19.177,4</b>	<b>-161,0</b>	<b>439,7</b>	<b>185,2</b>	<b>21,6</b>	<b>22,5</b>	<b>22,0</b>
1.1. Strana aktiva	20.999,2	-161,5	428,3	129,2	16,4	17,5	16,9
1.2. Strana pasiva	-1.821,8	0,6	11,4	56,0	-18,0	-16,8	-19,1
<b>2. Neto domaća aktiva</b>	<b>11.886,8</b>	<b>166,7</b>	<b>-83,2</b>	<b>-126,3</b>	<b>-0,3</b>	<b>-0,9</b>	<b>-1,6</b>
2.1. Potraživanja od centralne vlade (neto), kantona i opština	-303,3	56,2	-73,3	-46,9	-254,5	-255,6	-336,4
2.2. Potraživanja od domaćih sektora	19.964,7	82,8	46,0	52,3	2,8	3,1	3,4
2.3. Ostale stavke	-7.774,6	27,6	-55,8	-131,7	3,8	4,0	5,7
<b>Pasiva</b>							
<b>1. Novčana masa (M2)</b>	<b>31.064,2</b>	<b>5,7</b>	<b>356,5</b>	<b>58,9</b>	<b>11,9</b>	<b>12,2</b>	<b>11,8</b>
1.1. Novac (M1)	17.413,5	-5,1	261,2	57,6	18,9	19,2	18,6
1.2. Kvazi novac (QM)	13.650,6	10,8	95,3	1,3	4,1	4,5	4,1

## Kreditni

Ukupni krediti domaćim sektorima u novembru 2021. godine iznosili su 21,06 milijardi KM i u odnosu na prethodni mjesec povećani su za 53,7 miliona KM (0,3%). Kreditni rast registrovan je kod sektora stanovištva za 35 miliona KM (0,3%), vladinih institucija za 4,5 miliona KM (0,4%) i javnih preduzeća za 18,7 miliona KM (3,8%). Smanjenje kredita registrovano je kod privatnih preduzeća za 0,1 milion KM i ostalih domaćih sektora za 4,4 miliona KM (2,6%).

Godišnja stopa rasta ukupnih kredita u novembru 2021. godine iznosila je (3,2%), nominalno 654 miliona KM. Godišnji rast kredita registrovan je u sektorima stanovništva za 511,7 miliona KM (5,2%), privatnih preduzeća za 138,2 miliona KM (1,6%), vladinih institucija za 6,6 miliona KM (0,6%) i ostalih domaćih sektora za 7,8 miliona KM (5,0%). Smanjenje kreditnog rasta registrovano je kod javnih preduzeća za 10,3 miliona KM (2,0%).

### Sektorska struktura kredita u BiH

	Stanje u mil. KM XI 2021	Mjesečne promjene u mil. KM			Godišnje stope promjene u %		
		IX 2021	X 2021	XI 2021	IX 2021	X 2021	XI 2021
<b>Ukupno</b>	21.055,1	133,8	34,2	53,7	2,9	2,9	3,2
Od toga:							
Stanovništvo	10.441,2	47,6	55,0	35,0	4,3	4,7	5,2
Privatna preduzeća	8.761,7	29,3	4,1	-0,1	1,4	1,6	1,6
Vladine institucije	1.175,9	46,8	-13,5	4,5	6,8	0,9	0,6
Javna preduzeća	512,2	7,3	-12,6	18,7	-3,9	-5,0	-2,0
Kreditni ostalim domaćim sektorima	164,2	2,8	1,2	-4,4	-0,9	1,4	5,0

### Devizne rezerve

Devizne rezerve Centralne banke BiH na kraju novembra 2021.godine iznosile su 16,1 milijardu KM. U odnosu na prethodni mjesec devizne rezerve Centralne banke BiH su povećane za 73,4 miliona KM (0,5%), dok je na godišnjem nivou registrovan porast od 2,6 milijardi KM (19,2%).